



**აგრარული ტექნოლოგიები: აგრო სექტორში
არსებული გამოწვევების დაძლევის პოლიტიკა**

DOI - 10.36962/ecs105/6-8/2022-89

თამთა მამულაიძე

BTU-ს (საქართველოს ბიზნესისა და
ტექნოლოგიების უნივერსიტეტი) ასოცირებული
პროფესორი, სტუ დოქტორანტი

ოთარ ბაღათურია

სტუ ასოცირებული პროფესორი
otar.baghaturia@gmail.com

რეზიუმე

თანამედროვე მსოფლიოში სასურსათო უსაფრთხოებისა და სურსათის უვნებლობის უზრუნველყოფის პრობლემა COVID-19-ის პანდემიამ გაამწვავა, რაც დასტურდება მსოფლიო ეკონომიკურ ფორუმებზე აღნიშნული თემატიკის მზარდი აქტუალიზაციით. იგივე შეიძლება ითქვას საქართველოზეც, რომლის მდგრადი ეკონომიკური განვითარებისა და ინკლუზიური ეკონომიკური ზრდისთვის მნიშვნელოვანია აგრარული სექტორის პოტენციალის ათვისება, შესაბამისად, აღნიშნული ინდუსტრიის პერსპექტივების დანახვა, საზოგადოებრივ-პოლიტიკური კონსენსუსის მიღწევა და მიზნობრივი გამოყენების საფუძველზე კონკურენტუნარიანი წარმოების ხელშეწყობა დიფიცილიზაციისკენ მიმართული პოლიტიკის შემუშავებითა და იმპლემენტირებით.

აგრარული სექტორის მუდმივად ტრადიციულ პარადიგმაში განხილვამ და მასზე დაყრდნობით შემუშავებულმა რეკომენდაციებმა მხოლოდ ცალკეული დარგების პრიორიტეტიზაციას შეუწყო ხელი, რაც საერთო შედეგებზე ვერ ახდენს გავლე-

ნას. თანამედროვე, უკიდურესად დინამიკურ ეპოქაში ძალიან რთულია აქტუალური პრობლემის რომელიმე ერთ ასპექტზე ფოკუსირება, რაც იმას ნიშნავს, რომ საჭიროა ერთდროულად ფართო, ზოგადი სურათის ხედვაც და ცალკეულ დეტალებზე აქცენტირებაც.

აგრარული სექტორი გამოირჩევა კონსერვატიზმით, განსაკუთრებით საქართველოში. ტრადიციული დარგების კონსერვატიზმში თავისთავად ცუდი არაფერია, თუმცა ტრადიციული მიდგომები ხშირად შემაფერხებელ გარემოებას ქმნის ინოვაციური განვითარებისთვის.

აგრარული სექტორის ტრადიციულ პარადიგმაში განხილვა პერსპექტივების დანახვის შესაძლებლობას არ იძლევა და გადაჭრის გზების ძიება დინამიკის ცვლილებას არ იწვევს, ციკლურად ერთი და იმავე გამოწვევების ირგვლივ ატრიალებს აღნიშნულ სექტორს და ხელს უშლის მის პროგრესს.

კონსერვატიული დარგის მოდერნიზაციისა და ტრანსფორმაციისთვის გამოწვევად, პრობლემებისა და პერსპექტივების წყაროდ იქცა პოსტსოციალისტური ტრანსფორმაციის შედეგად დამდგარი სოციალურ-ეკონომიკური და პოლიტიკური გარემოებები.

საკვანძო სიტყვები: აგრო სექტორი, აგრარული ტექნოლოგიები, სურსათი, სურსათის უვნებლობა, სურსათის უსაფრთხოება, დიჯიტალიზაცია

ძირითადი ტექსტი

1990 წლიდან პირველადი სასოფლო-სამეურნეო პროდუქცია უწყვეტად მცირდება. 2008-2009 წლებში ქვეყანაზე ორმა კრიზისმა იქონია ზეგავლენა - 2008 წლის ომმა რუსეთთან და გლობალურმა ეკონომიკურმა რეცესიამ. საქართველოსა და ევროკავშირს შორის საქართველოსთვის ისედაც უარყოფითი ექსპორტ-იმპორტის საღდო ყოველწლიურად იცვლება იმპორტის სასარგებლოდ, დისბალანსი მატულობს. ქვეყნის იმპორტდამოკიდებულება წლიდან წლამდე მძიმდება. 2021 წლის იანვარ-აპრილის მონაცემებით, ქართულ ბაზარზე ადგილობრივი

მწარმოებლის მთავარი კონკურენცია თურქეთი, რომლის წილი საქართველოს იმპორტში 18%-ია, მეორე ადგილზეა რუსეთი 11,6%-ით, შემდეგ მოდის ჩინეთი 8,3%-ით, აზერბაიჯანი 6,7%-ით, აშშ 6,6%-ით, ხოლო დანარჩენ ქვეყნებს 48,8 %-ი უკავია (geostat.ge 2021). გარდა ამისა, მსოფლიო სასურსათო უსაფრთხოების ინდექსი საქართველოსთვის არ არის გამოთვლილი, რადგან ქვეყანა დამოკიდებულია იმპორტზე. და, საზოგადოდ, საქართველოში აგრარული სექტორის პროდუქტიულობა ძალზე დაბალია.

ემპირიული დაკვირვებისა და საექსპერტო გამოკითხვის დონეზე საკითხის არატრადიციულ პარადიგმაში განხილვამ გამოკვეთა სექტორის დაფარული პერსპექტივები და შესაძლებლობები, რომელთა გადაჭრაც დიჯიტალიზაციის გზით არის მიღწევადი.

ტექნოლოგიური რევოლუციისა და ციფრული ტრანსფორმაციის ეპოქაში თანამედროვე ტექნოლოგიების გამოყენება ტრადიციული დარგების მოდერნიზაციის საშუალებას იძლევა, რაც თანამედროვე მსოფლიოს აქტუალურ გამოწვევას ზედმიწევნით პასუხობს.

ხშირ შემთხვევაში, ამა თუ იმ ქვეყნის ცალკეული დარგების უპირატესობების ან განვითარების დამაბრკოლებელი გარემოებების შესწავლისას მათი შედარება ხდება მოცემული დარგის „ჩემპიონებთან“, რაც სხვაობას მადემოტივირებლად წარმოაჩენს. რეალური პერსპექტივების გამოსავლენად უმჯობესია, მსგავს სასტარტო პირობებში მყოფი ქვეყნების ერთმანეთთან შედარება. გარკვეული თვალსაზრისით, საქართველოსთვის საერთო სასტარტო პირობების მქონე ქვეყნების რიგს შეგვიძლია ზოგადად პოსტსოციალისტური, უფრო ვიწროდ კი გაჭიანურებული ტრანსფორმაციის ქვეყნები მივაკუთვნოთ.

პოსტსოციალისტური ქვეყნების სიღრმისეულად გაანალიზებისას შეგვიძლია დავასკვნათ, რომ პანდემიური კრიზისისა და პოსტინდუსტრიული ტრანსფორმაციის პარალელურად ჩვენ ვიმყოფებით არასაბაზრო ეკონომიკიდან საბაზროზე გადასვლის გაჭიანურებულ პროცესში. ის პოსტსოციალისტური

ქვეყნები, რომლებმაც სწრაფად გაიარეს ტრანსფორმაცია და დღევანდელ გამოწვევებს შეხვდნენ საბაზრო ეკონომიკისა და დემოკრატიის პირობებში, რეალურად წინ არიან ჩვენზე, ხოლო გაჭიანურებული ტრანსფორმაციის ქვეყნები, ერთდროულად სამი პარალელური კრიზისის პირობებში ვიმყოფებით, თუმცა ის გარემოება, რომ ჩვენ ვერ ჩამოვყალიბდით სრულფასოვან საბაზრო ეკონომიკად, შესაძლოა არბილებდეს იმ კრიზისს, რომლის წინაშეც აღმოჩნდნენ სრულფასოვანი საბაზრო ეკონომიკის ქვეყნები, რაც, შესაძლოა, მოცემულ სიტუაციაში უკეთესს სასტარტო პირობებში გვაყენებდეს.

თუმცა, გაჭიანურებულ პოსტ-სოციალისტურ ტრანსფორმაციაში მყოფი საქართველოსთვის დამახასიათებელია არაჯანსაღი დისკუსია იმის თაობაზე, რომ: ა) საბჭოთა პერიოდში აგრარული სექტორი დინამიკურად ვითარდებოდა და მთავრობამ სოფლის მეურნეობა სწორედ არსებულ გამოცდილებაზე დაყრდნობით უნდა მართოს; ბ) სამოცდაათწლიანმა საბჭოთა გამოცდილებამ და გეგმიურმა ეკონომიკამ, აგრეთვე რეპრესიებმა და ერთპარტიულმა დიქტატურამ მოსპო ქართული სოფლის მეურნეობა, ნაცვლად თანამედროვე ეპოქის შესაბამისი მიდგომების ძიებისა, რაც შეუძლებელია ტრადიციულ პარადიგმებში.

ტექნოლოგიური, დემოკრატიის, ადამიანის განვითარების, მშპ 1 სულ მოსახლეზე და ჯინის ინდექსის მახასიათებლების მიხედვით საქართველო აუტსაიდერ ქვეყნებში მოიაზრება, თუმცა შესაძლებელია იმ პერსპექტივების დანახვა, რომლებიც ზედაპირზე არ ჩანს. გარკვეული თვალსაზრისით, ქვეყნის განვითარების ინდიკატორად შეიძლება გამოდგეს შემდეგი გრადაცია: წიაღისეული რესურსის წარმოება, ნახევარფაბრიკატების წარმოება, რესურს/შრომა/ენერგოტევადი პროდუქტის წარმოება, ტექნოლოგიური პროდუქციისა და ფუფუნების საგნების წარმოება და **პროგრამული უზრუნველყოფა**. ეს უკანასკნელი, როგორც არაენერგოტევადი, არაშრომატევადი და არარესურსტევადი, მაგრამ მაღალი დამატებითი ღირებულების და უკუგების მქონე დარგების ერთობლიობა წარმოე-

ბის პროცესში საჭიროებს ინტელექტუალურ შრომას და დიდ-ნილად შემოქმედებითობას. სწორედ ამიტომ, განვითარებული დასავლეთი თმობს ინდუსტრიულ დარგებს და გადადის მაღალტექნოლოგიურ წარმოებასა და ტექნოლოგიის წარმოებაზე. აგრარული სექტორის აღნიშნულ პარადიგმაში განხილვა განსხვავებულ ჭრილში მსჯელობის შესაძლებლობას იძლევა. დიდ ფართობებზე გაშენებული მონოკულტურები როგორც არის მარცვლეული, დაახლოებით უტოლდება ნიაღისეულისა და ნახევარფაბრიკატების წარმოებას, ხოლო, მაგალითად, ღვინისა და ზეთუნის ზეთის წარმოება - ფუფუნების საგნებს. უფრო კონკრეტულად, საქართველოს მოცემული ეტაპისთვის არასაკმარისად რეალიზებული ექსკლუზიური პროდუქციით ექსკლუზიური მომხმარებლის ნიშებში ოპერირების პოტენციალი აქვს (ღვინო, ყველის ნაირსახეობა, ნითელი დოლის პური, ჩაი, კახური ზეთი და სხვა), თუმცა აქ იკვეთება თანამედროვე მენეჯმენტის დილემა და ტექნოლოგიური უპირატესობის საკითხი.

საქართველოს აქვს ექსკლუზიურობის პოტენციალის რეალიზაციის პერსპექტივა, სექტორისა და სექტორში მენეჯმენტის დიფერენციალიზაციის მეშვეობით. ამავდროულად, ექსპორტი - როგორც პროდუქციის უცხოელ მომხმარებელამდე მიწოდების ფუნქცია, აგროტურიზმის ექსპორტის ნაირსახეობად განხილვის შესაძლებლობას იძლევა. შესაბამისად, აგროსექტორისა და აგროტურიზმის დიფერენციალიზაციითა და ურთიერთკოოპერირებით შესაძლებელია სრულიად ექსკლუზიური პროდუქტის შეთავაზება მომხმარებლისთვის და ამ თვალსაზრისით ახალი ინდუსტრიის წარმოქმნა.

საქართველოს აგროსექტორის პერსპექტივების წარმოსაჩენად და შესაბამისი პოლიტიკის შესამუშავებლად ჩატარდა გამოკითხვა აგროსექტორში ჩართულ თითქმის ყველა აქტორთან: გამოკითხულთა უმეტესობას (29 %-ს), პირდაპირი შეხება აქვს სოფლის მეურნეობასთან. 24 % დასაქმებულია საბანკო სექტორში, აგრო- სესხების მიმართულებით. 12 % საფინასო, 12% განათლების მიმართულებით, რომლებიც ასწავლიან და ტრენინგებს ატარებენ დარგობრივი მიმართულებით.

9 % საერთაშორისო ორგანიზაციებს წარმოარადგენს, რომელთაც აგრარული მიმართულებით პროექტების მართვის გამოცდილება აქვთ, 6% კვლევით ორგანიზაციებშია დასაქმებული, ხოლო რესპოდენტთა 3% სადაზღვევო სექტორის წარმომადგენს, სპეციალიზებულს აგრო- სადაზღვევო პროდუქტების მიმართულებით.

სექტორში პირდაპირ თუ ირიბად ჩართული აქტორების 78%-ს დარგის სახელმწიფო დონეზე პრიორიტეტიზაცია სექტორის განვითარების აუცილებელ კომპონენტად მიაჩნია, ვინაიდან რესპოდენტთა 91% სექტორის გამოწვევებს ტრადიციულ პარადიგმაში განიხილავს და მიაჩნია, რომ არსებული სტრატეგიის შესაბამისად სექტორი ვერ განვითარდება, თუმცა გამოკითხულთა 88% ღიად აფიქსირებს, რომ აგრარულ სექტორს აქვს განვითარებისა და წარმოების მასშტაბის ზრდის პოტენციალი, რაც ამართლებს სახელმწიფოს მიერ ამ დარგისათვის გამოყოფილი ბიუჯეტის ზრდის ტენდენციას.

აღნიშნულ კვლევაში დასახელდა ისეთი გამოწვევები, რომლებიც აქამდე ადგილობრივი თუ საერთაშორისო ორგანიზაციების მიერ ჩატარებულ კვლევებში ასე მწვავედ არ დამდგარა: ეს არის აგრარული ტექნოლოგიების დანერგვისა და გამოყენების დაბალი დონე, ციფრული ტექნოლოგიებისადმი „არამეგობრული“ დამოკიდებულება და თანამედროვე ტექნოლოგიების მიმღებლობის დაბალი მაჩვენებელი, რაც ამყარებს მსჯელობას იმის თაობაზე, რომ აუცილებელია სექტორის პერსპექტივების თანამედროვე პარადიგმაში განხილვა და ლოკალურ შესაძლებლობებზე მორგებული დიჯიტალიზაციის პოლიტიკის დოკუმენტის შემუშავება.

საქართველო, როგორც გლობალური ეკონომიკის ნაწილი, არსებული პროცესების მიღმა ვერ დარჩება. მდგრადი განვითარების მიზნების (Sustainable Development Goals) მისაღწევად მნიშვნელოვანია, აგრეთვე, აგროსასურსათო სექტორის განვითარების ისეთი მოდელის შემუშავება, რომელიც მოსახლეობას ხელმისაწვდომი და ხარისხიანი სურსათით დააკმაყოფილებს. ასევე, ხელს შეუწყობს კონკურენტული უპირატესობის მქონე

პროდუქტების საექსპორტო პოტენციალის მაქსიმალურად გამოვლენას.

აგრარულ სექტორში თანამედროვე ტექნოლოგიების ინტერგაცია და დარგის მწარმოებლობის გაზრდა სტრატეგიული მნიშვნელობის გამოწვევაა საქართველოსთვის როგორც ეკონომიკური განვითარების, ასევე სახელმწიფო უსაფრთხოების ჭრილში. 2020 წლის მარტში შექმნილმა პანდემიით გამოწვეულმა ლოჯისტიკურმა პრობლემებმა ქვეყანა საკვები რესურსების დეფიციტის საფრთხის წინაშე დააყენა, რაც სასოფლო-სამეურნეო პროდუქტის ბაზრის იმპორტზე დამოკიდებულების მაღალმა დონემ განაპირობა.

აგრარულ და თანამედროვე ტექნოლოგიებში მოიაზრება როგორც სათბურების, ისე მწვანე წარმოების ვერტიკალური მიდგომები, ჰიდროპონიკა და აეროპონიკა, სენსორული დანადგარები ფერმის მართვის ხელშეწყობის მიზნით, ბლოკჩეინ სისტემები, ციფრული ტექნოლოგიები არსებული გამოწვევების გადასაჭრელად და პროცესების გასამარტივებლად, ხელოვნური ინტელექტი (AI) და სხვა.

სახელმწიფოს მიერ აქამდე შემუშავებულ სტრატეგიულ დოკუმენტებში განერილი მიზნების მიღწევა შეუძლებელია სექტორში ტექნოლოგიური სისტემების ადაპტაციის გარეშე, რაც კიდევ უფრო ზრდის სახელმწიფოს როლს, როგორც ამ პროცესის მთავარი ინიციატორის მნიშვნელობას. თანამედროვე ტექნოლოგიების გამოყენებით შესაძლებელია ისეთი ბიზნესმოდელების შექმნა, რომლებიც ეფექტიანად ადაპტაციის საშუალებას იძლევა.

აგრარული სექტორი შეიძლება იქცეს საქართველოს ეკონომიკის ლოკომოტივად იმ აქტორების ოპერირების შედეგად, რომელთაც შეუძლიათ დიფიტილიზაციის პროცესში აქტიურად ჩართვა, ახალი ცოდნის მიღება, ტექნოლოგიების გამოცდა, მორგება და დანერგვა.

ცნობილია, რომ მოდერნიზაციის პროცესი განვითარებად ქვეყნებში, როგორც წესი, ინიცირებულია ხელისუფლების მიერ. მთლიანობაში საქართველოს და, კერძოდ, აგრო- სექტორის ცი-

ფრული მოდერნიზაცია მნიშვნელოვანწილად დამოკიდებულია ხელისუფლების მზაობაზე სამისოდ. ყოველივე ზემოაღნიშნულის გათვალისწინებით, შესაძლებელია ლოკალურ მოთხოვნებზე მორგებული ზოგადი ხასიათის რეკომენდაციების შემუშავება, როგორებიც არის: საზოგადოებრივ-პოლიტიკური კონსენსუსის მიღწევა აგრო- სექტორის დიჯიტალიზაციის პოლიტიკის შემუშავებასა და განხორციელებაზე; სახელმწიფო სტრატეგიის შემუშავება; საკანონმდებლო ბაზის შემუშავება სტრატეგიის შესაბამისად; სერვისის მიმწოდებლების აღჭურვა შესაბამისი ტექნოლოგიებითა და ცოდნით; ასევე, შუალედური რგოლის გენერაციის ხელშეწყობა.

გამოყენებული ლიტერატურა:

1. კვლევები, ანალიტიკა. საქართველოს ფერმერთა ასოციაციის ოფიციალური ვებ-გვერდი., shorturl.at/gshsw (12.05.2022).
2. მამულაიძე, თამთა. 2019. ინფორმაციური ტექნოლოგიების როლი და მნიშვნელობა პოსტინდუსტრიულ ანუ ციფრულ ერაში, სამეცნიერო ჟურნალი „ხელისუფლება და საზოგადოება“. N1 (49) 2019, ტომი III, გვ. 88-95.
3. საქართველოს სოფლის განვითარების 2017-2020 წლების სტრატეგია და 2018-2020 წლების სამოქმედო გეგმა., საქართველოს გარემოს დაცვისა და სოფლის მეურნეობის სამინისტრო. საქართველოს გარემოს დაცვისა და სოფლის მეურნეობის სამინისტროს ოფიციალური ვებგვერდი, <https://mepa.gov.ge/Ge/PublicInformation/6346> (12.05.2022).
4. სოფლის მეურნეობისა და სოფლის განვითარების სექტორების შეფასება აღმოსავლეთი პარტნიორობის ქვეყნებში., FAO საქართველოს ოფიციალურ ვებგვერდი. <https://www.fao.org/3/ca7563en/ca7563en.pdf> (12.05.2022).
5. სასურსათო უსაფრთხოების სისტემები პანდემიის დროს., საქართველოს ფერმერთა ასოციაციის ოფიციალური ვებგვერდი. 2020, shorturl.at/jESZ7 (12.05.2022).
6. ჯავახაძე, დიმიტრი. 2020. ბიზნესის ციფრული ტრანსფორმაციის გლობალური ტენდენციები. თსუ-ს ოფიციალური

ვებგვერდი. shorturl.at/fluCR) (12.05.2022).

7. ხმალაძე, თამარ. 2020. სოფლის მეურნეობის ინოვაციური განვითარების ხელშეწყობის ფორმები და მექანიზმები. <https://gtu.ge/pet/pdf/Science-Engineering/avtoreferatebi/t.xmladze.pdf> (12.05.2022).

8. Singh Rajesh, Anita Gehlot, Mahesh Kumar Prajapat and Bhupendra Singh. 2021. Artificial Intelligence in Agriculture: by CRC Press.

9. The future of food and agriculture FAO. 2017 <http://www.fao.org/3/i6583e/i6583e.pdf> (12.05.2022).

10. Rajesh Singh, Anita Gehlot, Mahesh Kumar Prajapat, Bhupendra Singh, 2021. Artificial Intelligence in Agriculture: by CRC Press.

REFERENCES:

1. Researches, Georgian Farmers' Association official Website., shorturl.at/gsHSW (12.05.2022).

2. Mamulaidze, Tamta 2019. The role of Information Technologies in postindustrial-digital era, Scientific Journal „Authority and Society“. N1 (49) 2019, III, P. 88-95

3. Rural Development Strategy of Georgia (2017-2020) and 2018-2020 Action plan., MINISTRY OF ENVIRONMENTAL PROTECTION AND AGRICULTURE OF GEORGIA official Website , <https://mepa.gov.ge/Ge/PublicInformation/6346> (12.05.2022).

4. Assessment of Agriculture and Rural Development Sectors in Eastern Partnership Countries. FAO Georgia Official Website. <https://www.fao.org/3/ca7563en/ca7563en.pdf> (12.05.2022).

5. Food Security Systems during a Pandemic., Official Website of the Georgian Farmers Association. 2020, shorturl.at/jESZ7 (12.05.2022).

6. Javakhadze, Dimitri. 2020. Global trends in digital transformation of business. TSU Official Website 4. shorturl.at/fluCR) (12.05.2022).

7. Khmaladze, Tamar. 2020. Forms and mechanisms for promoting innovative development of agriculture. <https://gtu.ge/pet/pdf/>

Science-Engineering/avtoreferatebi/t.xmaladze.pdf (12.05.2022).

8.Singh Rajesh, Anita Gehlot, Mahesh Kumar Prajapat and Bhupendra Singh. 2021. Artificial Intelligence in Agriculture: by CRC Press.

9.The future of food and agriculture FAO. 2017 <http://www.fao.org/3/i6583e/i6583e.pdf> (12.05.2022).

10.Rajesh Singh, Anita Gehlot, Mahesh Kumar Prajapat, Bhupendra Singh, 2021. Artificial Intelligence in Agriculture: by CRC Press.

AGRITECH: DESIGN AGRICULTURE POLICY FOR TACKLING CHALLENGES

Tamta Mamulaidze,

BTU (Business and Technology University),

Associate Professor,

PhD Student of GTU

Otar Bagaturia Doctor of Socio-Political Sciences,

GTU, Associate Professor

otar.bagaturia@gmail.com

RESUME

The problem of food security and food safety in the modern world has escalated due to the COVID-19 pandemic. This is evidenced by the growing relevance of these topics at the world economic forums. The same can be said about Georgia. For this, it is important to develop the potential of the agricultural sector for sustainable economic development and inclusive economic growth development and implementation of digitalization policy.

The discussion in the traditional agricultural sector paradigm does not affect the overall results.

In the modern, extremely dynamic era, it is very difficult to focus

on any one aspect of an actual problem, which means that it is necessary to have a broad, wide picture and at the same time to focus on particular details.

The purpose of the research is to identify new circumstances, problems, threats, risks and opportunities that arise in the agricultural sector of Georgia in the context of post-socialist and post-industrial transformation and accelerated technological progress.

The agricultural sector in Georgia is characterized by conservatism, which often creates an obstacle to innovative development, the productivity of the agricultural sector is very low, the country is dependent on imports

Discussion of the issue in an unconventional paradigm revealed the hidden prospects and opportunities of the industry, the implementation of which is achievable through digitalization.

Digital transformation allows traditional industries to modernize. The comparison of the fields with the “champions” of the field in the study of individual fields of the country shows a huge difference and plays a demotivational role.

In order to show real prospects, it is better to compare with each other countries in similar starting conditions (namely Georgia with countries with a protracted transformation).

The countries of protracted transformation are simultaneously in three parallel crises (post-socialist transformation, post-industrial transformation, pandemic):

The pandemic and post-industrial transformation to some extent equalize the starting conditions for the digitalization of developed and developing countries.

The Post-socialist and transitional problems, sectoral degradation and orientation towards Soviet paradigms;

According to the characteristics of technology, democracy, human development, GDP per capita and the Gini index, Georgia is considered an outsider country.

However, the perspectives can be seen that are not visible on the surface. At this stage, Georgia does not have enough realized poten-

tial for positioning in exclusive consumer niches with an exclusive product (wine, cheese, red bread, tea, Kakhetian oil, etc.),

Georgia has the prospect of realizing the potential of exclusivity in the sector through the digitalization of sector management. At the same time, export as a function of delivering products to foreign consumers allows us to consider agritourism as a kind of export. This is one of the novelties of this research.

Other novelty of this research is comparison of technologies, social-political formation, humanistic conditions of morality and values through the history, also interdependence of these aspects.

During research was compared different indicators. A combined weighted analysis of all these indicators makes it possible to assess the readiness or expectations of a new formation of a particular country. This also makes possible to effectively develop a policy for the development of industries.

Key words: Agriculture, Agriculture Technologies, Food, Food Safety, Food Security, Digitalization.